



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五三〇

陶文毅公全集六十四卷首一卷末一卷（卷四十一至卷

六十四末一卷）陶澍撰

一

聞妙香室詩十二卷聞妙香室詞一卷聞妙香室文十九卷

聞妙香室經進集五卷黔記四卷 李宗昉撰

四六七

滇行紀程集二卷 吳其濬撰

八〇五

陶文毅公全集卷四十一目錄

文集

覆曹方伯韓廉訪書

上蔣礪堂先生書

覆賀耦耕太史書

與周石芳先生書

覆李錫民漕使書

覆黎湛溪河帥書

與姚秋農學使書

與董小桂太史書

陶文毅公全集

卷四十一

目錄

覆劉海樹署守書

與湖廣李制軍書

與湖南嵩撫軍書

與賀耦耕方伯書

覆陶齋相國書

覆兩湖訥制軍書

再覆兩湖訥制軍書

覆兩廣盧制軍書

致江西廉訪陳蓮士書

覆黃楚橋書

陶文毅公全集

卷四十一

目錄

一一

文集書

覆曹方伯韓廉訪書

頃奉華函以弟所擬官鹽減價告示蒙制憲商交熟商仰承精心籌畫斟酌權宜並論以川省向來例價以錢糧之長跌出入合筭售賣若一經出示恐商民誤爲例價將來或有窒礙杜漸防微識度宏遠惟弟之所以力主此議者正以川鹽無例價旋減旋增私販因得以乘機而入是民病而商亦未必利也原減價之議所以受制於商而官亦不敢深問者大約不出成本

南文毅公全集

卷四十一 文集

國課兩條查成本雖有遠近之不同總以場價爲最重要亦不過十數文止耳即以巴縣江北而論上年減價文書稱巴鹽每斤場價二十三文此僞說也試思南川涪州等處亦行射蓬鹽引止稱場價十七文以道路言則彼遠而此近何以遠者賤而近者反貴是所開場價不足據也且去歲之鹽稱成本每斤三十二文減價爲二十九文月前傳到該商等又呈稱向來成本二十七文是此時所言成本較上歲相差五文較所減之價且少二文前後矛盾其僞可知竊思上年文書名爲減價已暗

伏將來增價之根耳至於

國課本在成本內計筭查水引一張計鹽五千斤實則萬斤止徵稅銀三兩四錢零五釐羨餘三四兩不等巴縣爲鹽引最多之處每年額行鹽斤二百八十萬有奇無論四鄉之遠千萬之家均須食鹽卽渝城丁口不下百餘萬每人月食半斤不過三四個月可了再加耗鹽一倍亦不過八九月可了苟夾帶不甚則官引方有不足之患尙何

國課之能虧乎至鹽引納課用銀零實用錢則亦不獨川省爲然如淮蘆皆用課銀而鹽斤加價則稱

南文毅公全集

卷四十一 文集

一文二文亦未聞因錢價起落有所更改竊意川鹽所以無例價之故因產鹽處較多各縣亦不止銷一處之鹽而又有巴鹽花鹽頭鹽渣鹽名目之不同非如淮蘆之鹽止一色產有定地也然亦間有例價如上歲雲陽縣減價詳文卽稱雲場部定例價每包價銀六錢八分每斤合錢十二三文又萬縣文內稱報部價值每斤定銀一分五釐均係詳定價值商民相安無事無庸另擬等語可見川鹽亦未必不可定價即使將來認減價爲例價究與部頒有別未必不可活動卽如川鹽每包百斤

例載加耗十五斤今則每包重至一百八十斤鹽且二百斤矣未聞百姓執部例以與商人爭也弟因冬臘以來鹽價平而人心亦平正月以後鹽價起而私販復起身居此地日夜兢惕當此饑饉之際徒事查拏勢必私販未靖而良民先驚遠近傳說恐滋事端細思散黨之法惟有減價一策上歲已行之有效但未出示是以可大而未龍可久耳連日札飭商諭再三審酌示以必行幸而半月以來人心復戢方建議之初已慮及商民日後或有曉詞當諭該廳縣以必得商民呈請方可並將

陶文毅公全集

卷四十一

文集

三

弟所擬示棄示之商等見措詞平允利害曉然欣然具呈該廳縣懇請遵照減價由府核轉前來此本月初十日後事也其時廳縣業已出示減價弟意欲乘此徧及各屬是以將稟未發呈請憲裁茲接來諭以意欲令商人呈請爲妥與現在所辦情形恰相符合謹另繕該府詳文呈覽其所以尙未通詳者因尙非全局欲徐加鄭重耳惟出示一層商人呈詞未載此時若令補寫轉恐反生枝節且廳縣業已出示載明所減之價四鄉行之相安官鹽暢銷弟處告不商人前已見之外間皆知若

忽然中止勢有未可但弟處出示祇須照例應縣出不稍可活動自是老成碩畫思深慮遠擬稟二件詳細周密洞切事宜謹當遵照辦理祇前半所

啟

上諭原爲摘牌擅寫違例字樣而言論屬尙無此風擬將私梟刑例裝換數語其所減價值則廳縣告示有之弟處即不必敘及至其餘各處弟處尙未行文飭減據陳署守言及查得上年減價案內有藩臺鹽道飭駁文書一件論及所減價值尙不足以蔽私飭令該府縣從長再議等語足見先幾灼見

陶文毅公全集

卷四十一

文集

四

早已洞燭無遺現經署守裝敘原文駁行各處俟覆到日再行斟酌辦理總之此次減價出示情形亦是時勢所在不得已而爲之其相安之處原不敢輕有舉動也尙希縷悉代爲稟覆用慰懸慮

上蔣藕堂先生書

川省官鹽向無定價大抵因行銷地面有一州縣而配食數處鹽斤者亦有產鹽之地又向他處場配配鹽銷售者其間程途遠近不一鹽之名色又有巴花頭渣之別場價既有低昂運費亦有輕重加之商人以銀易鹽以鹽售錢更需計較銀錢長跌價值是以賣價悉聽商人隨時定數然商店價無準則難保不任意浮多而鋪戶輾轉販賣又勢必有所加增以致小民常虞食貴私販每多撓越殊於課食均有闕礙上年蒙大人燭悉情形札飭

陶文毅公全集

卷四十一

文集

五

各屬核算場價運費酌議平減此誠便民戢私之美政奉到憲檄後即經前陞道嚴士鉉轉飭確查議覆去後嗣據該府州廳轉據各州縣悉就情形查議或請酌減價值出售或請仍照現價發賣先後申覆經前護道林培厚及謝核明轉移鹽道查議具詳在案本年二月間謝因聞重慶府屬江北廳巴縣等處官鹽價值較昂民間仍有貪賤食私之事而私販亦得乘機銷售漁利未能淨盡是欲杜私益民必須官鹽價值大加酌減方可以收實效當經札飭該府轉飭該廳縣等諭令商人核計

陶文毅公全集

卷四十一

文集

六

成本查照上年議定實價再行從長計議酌量平減茲據江北廳巴縣飭據鹽商秦寅等以配銷引鹽向有四項名色花鹽每斤計需成本錢一十二文巴鹽每斤計需成本錢一十五文渣鹽每斤計需成本錢一十二文頭鹽每斤計需成本錢一十七文今情願稍折成本呈請減價等情經該廳縣查明上年議定鹽價原案分別核議巴花等四項鹽斤整包出售照現在成本每斤俱減一十二文零星小店輾轉售賣按照現議各色鹽價每斤酌增錢二文以數折耗如挑赴鄉間出賣者各計程途遠近量加運費定以每斤每百里再加運腳錢一文各店鹽秤均以十六兩為準聲明傳諭鹽商遵照並出示曉諭等情由府核覆前來謝查核廳縣現議各色鹽價核對上年重慶府原冊每斤俱又減價四五文民間不致食貴且經該廳縣等出示曉諭章程既著商人等亦不敢陽奉陰違現在訪察各處市集村莊均已買食官鹽私販亦俱絕跡地方俱屬清謐至其餘重屬各州縣業經陳署守札飭查議此外夔綏忠酉石太等處謝現擬一體札飭查察情形酌量應否議減統俟查覆至日再

行稟聞

陶文毅公全集

卷四十一

文集

七

覆賀耦耕太史書

陶文毅公全集

卷四十一

文集

八

四月二十一日得花太守携來一書情真意摯語語腳踏實地可見施行三年作別而親家所誦遂已至此雖古名賢無以過自蒞任以來所得友信惟親家與樂國南雅之書大有資於身心政事時懸座陽以當箴銘也此間吏治敗壞已久綱維不整諸事疏略官場以用兵爲利而循良之意少百姓惟趨利是圖而親故之誼疎上行下效有自來矣礪堂先生諸事整飭民間始見天日而革面已多革心尙少欲求上理必資遠策觀其殷殷懇懇求賢若渴苟有人心不忍負之數月以來蒙其獎誇什伯尋常言聽計從毫無成見甚至以清廉公正見褒且語人云他人到一處數月方悉情形惟陶某一到便透澈無遺自顧何人初不料先生之見重如此也然先生天資之高學識之精殆有大授非人所能爲者每鄙意所疑所思未獲一言導窾出人意外又恰在人意中始知欲從末山顏淵卓爾之歎非偶然也弟初到時尙有因畏生忌造言相恤之人開誠布公秉直而行久之而人自信服今則上下已交孚矣是即親家所言接人辦事

老實爲妙之說也。生性素銳，每以沒世無稱爲懼。然所長在此，所短亦在此。今則閱歷頗多，名心漸化。惟用之際，外駁內寬，多爲小人所測度。讀來書，不覺悽然自懼也。

陶文毅公全集

卷四十一

文集

九

與周石芳先生書

日昨閱鈔知令嗣克生已蒙

恩開復。此誠曠蕩之仁，爲感動者久之。想賢裔梓之威，深圖報又不知何如。腆攀也。克生才高識廣，經此番磨鍊之後，必當痛定思痛，慎勿以

君恩爲可恃，進而於保身立家之術，切實思維也。叨在至戚，深爲克生喜，自不得不爲克生懼也。尊府深仁厚德，積累自不待言。惟於讀書一事，悠悠忽忽，毫不介意。大有倚恃名父，坐享富貴之意。不知名門世家之子，京師中落，實何限一日失勢，欲如

陶文毅公全集

卷四十一

文集

十

常人而不可得，世俗炎涼大抵如斯。求其可久，惟精進之一法。與言及此，實不能不爲慧生吾倩有餘傲也。錦橋先生擢刑給鏡，海耦耕一庵，出守皆有大有之兆。皆同鄉好樹樣。近日吾湖南拔茅連茹，半年來喬起無數。如樂園剛亭兩先生人所共知，而親家前輩大人海內人望

特詔起用受

恩尤深。苟非平日自立不凡，焉能至此。克生昆弟其能，不思肯其堂構耶。僕此言書之已久，前此不言而今始言之者，正以前此當不得意之時，疑於太激

而今則受寵若驚不敢不告也芻蕘之言幸勿以爲弗達時務而置之

覆李錫民漕使書

昨泐一面由陳中丞奉寄今午摺弁齎到手書並
稟箋五本欣悉軍船回空旣早首進已渡江足見
事機順利亦由宏才料理合宜故爾邇速如此聞
鎮江水勢甚足重船定可無滯惟尊札所言諸事
格越積錮太深法語異言轉以爲嘖切中彼間情
形益可見一篇散帳人人可主持人人不能主持
而擔當之責不能不歸之於漕使矣如閣下可爲
漕務得人慶然亦一年之局耳安得福星一路盡
如子駿哉鎮江河道僕所條陳四事自以清練湖
爲第一義而修關則尤以橫越二處爲要害今清
湖之說既不行而橫越二關又復委之木商恐仍
有名無實徒費工項則罪過且在於始議者矣倘
得就近督率一二亦後來之幸也

覆黎湛溪河帥書

前承寄到行水金鑑當經肅謝昨復蒙賜書並覆
奏鎮江運河摺稿一件諸紉存注敬維吾兄以閭
世之才肩重鉅之任爲秀才而不忘天下居高位
而有若寒儒平日之所講求臨期之所規畫灼有
神解繁若肩列前歲趨運京江偶逢涸轍旁觀者
既策窮於束手當事者或絲勞於亂麻徒勞往復
祇類道謀已乃於舊稿中拾讀吾兄修理練湖一
書不禁慨然太息以爲地方守牧能如此用心者
罕矣如此用心而又能練達通明卓然可見之施

陶文毅公全集

卷四十一

文集

三

行者則尤僅見也因是思所以變通之爲將來之
利其拙穽出土之法則親聆之吾兄徧閱古人所
議亦無計及於此者今既訂期興工無窮之利實
賴嘉謨矣惟是橫越二關爲全河收蓄要害之區
若來源疏通而此處關欄不住亦屬無益必得闢
底撥高下胸畧長於上腴庶潮洞不至掣退而可
以回激豬婆灘之上今乃仍歸木商修理竊恐有
名無實利於下行而不利於上濟此事業已定議
諒難更改惟在司事者認真照料不可徒聽之商
人耳見孫制軍時尙乞詳悉陳之區區過慮之言

亦芻蕘獻議之意也

陶文毅公全集

卷四十一

文集

四

與姚秋農學使書

自客冬抵皖已經半載祇以此地錢糧轉奉

旨清查牛毛繭絲之中千頭萬緒近始窺見底裏果然
名不虛傳即如清查一事他省偶一見之而皖省
自嘉慶七年至十九年五次清查仍未了結自十
九年至今又已七八年未查者須續查已查者又
須復查其間官吏更換卷冊如鱗一筭偶差全盤
盡錯其難辦者一也又如豁免一事前已奏出官
虧五百餘萬民虧四百餘萬以五十四州縣貢此
千萬兩之重累其顛蹶自不待言今難撥

陶文毅公全集

卷四十一

五

恩請免而格於部議十不能去其二三輾轉糾纏虛同
匏繫其難辦者二也又如錢糧一事緩徵帶徵他
省或間數歲而一見皖省則鳳泗等處自

國朝以來無歲不賑則無歲不緩無歲不帶其間又
有成災四五分及六七八分之別其緩帶又有二
年兩年之不同是即在一時一手已不能盡一而
整齊之矣又況今歲所緩之二三分四五分至來
年而又報五六分六七分則又不得不遞緩而三
年之帶徵或化而爲五年之帶徵從此重重疊疊
牽纏不已而本年成災之五六分者仍當徵四五

分成災之七八分者仍當徵二三分倘不能徵之
如數則牽率更多此皖省積欠所以無休無歇而
愈次愈繁其難辦者三也又如漕糧清項同徵分
解本與藩司衙門相爲表裏號令最宜畫一乃以
安徽全省之糧道遠駐隔省之江寧水陸迢迢文
札諸多不便動輒歧異兼之漕督二憲相去均在
千里遙遙請示多需時日往往坐失機宜設所批
不同更形掣肘是以錢清亦多舛誤其難辦者四
也至於尋常奏銷屢經部駁今所積壓者不下數
十百起現在亦須趕辦以此碌碌皇皇昕夕靡暇

陶文毅公全集

卷四十一

六

本非利器難遇錯盤隕越之虞倍深寤寐相隔不
遠趨晤無由自念生平知已惟先生相賞於鑒真
未判之先耿耿寸衷辦香遙託尙希衡量少暇俾
識楷模不勝厚望

與董小樣太史書

前奉手書如獲拱璧數月之久尙稽我復實以故人知我未敢以書記代筆之詞草草作答而公冗如絲迄鮮暇晷碌碌至今殊深歉仄然每有人來自珂里輒敬詢起居得悉先生年來願志林泉春風化雨樂育英才兼以名山考道造詣益深不朽之業訂以千秋翹首經幃可勝企想弟以駑駘姿連年爲馬牛走巴山晉水萬里崎嶇受

恩既重報稱尤難上冬將赴八閩

主上以皖省錢糧輾轉甲於天下

陶文毅公全集

卷四十一

文集

七

特諭來皖清釐務在披雲睹霄一清宿愆拜

命以來兢兢夙夜如理亂絲近始窺見底裏辦理殊不

易易卽如虧空之事他省多者不過一二百萬而

止而皖省從前竟至千餘萬

恩免之後尙不下數百萬災賑之事他省偶一見之而

鳳泗一帶無歲不有偏災卽無歲不有緩帶錢與

漕爲同條共貫之事而糧道遠在金陵商辦每難

畫一督撫河漕相去俱各千里稟示亦不能如期

凡此數端皆爲輾轉之由而他省所未有也兼之

地夾江淮水陸交衝差使絡繹河漕災務數大端

色色非錢糧不行而通共止五十九州縣真有袖小不堪迴旋之勢此所以虧空甲於天下自嘉慶七年至十九年已清查五次而不能得其要領也自十九年以後又已數年兼欲溯查五次以前至於乾隆中歲舉百餘年之輾轉悉欲掃蕩廓清於一旦其爲忙碌已不勝言而

欽限甚迫九月杪卽須盡行奏出此所以日夜慄慄伏案勾稽如老諸生目耕之不遑也至於地方之大利大弊一切措置尙未遑從事誠以體立用行虧空未清而欲吏治之澄敘不可得也吏治不清而

陶文毅公全集

卷四十一

文集

六

欲民生之康樂不可得也區區之慮如此從前雕

蟲篆刻蟬噪蛩吟之習非無夙弊已不暇恩恩唱

渭城矣惟省城書院日漸廢弛不得不加整理現

已飭屬捐貲以充膏火又安徽自分省以來尙無

省志弟意欲俟清查告竣卽當辦理此事而事體

重大非得如閣下之貫通今古思精慮細不足以

舉全局而資就正是以專差請主敬敷一席以爲

此邦人之矜式倘來歲省志議可成得以仰煩大

筆裁削尤幸甚幸甚平叔中丞現赴潁州審辦教

匪滋事一案弟叨庇平善於七月十一日得舉一

子行年九十有此於竟亦足慰塵望也

陶文毅公全集

卷四十一

文集

九

覆劉海樹署守書

本月十六日晚間接到十二日所發書欣悉公整
宣勞那名章一案辦理妥速陳悅張愛等既已獲
案且豫知逆情雖據稱藉詞逃回並未到官具首
未可輕縱前此王興仁朱麻孜王友諒等俱係會
經到案開釋之人此次仍自外生成挂累多人所
謂自作孽不可追者無可愛惜即應執法以淨根
株至於愚民習教並未豫知逆情之人則又當別
論潛移默化責在我輩未可瓜蔓滋擾致釀事端
也此案發覺恰在撫憲赴金陵臨臨秋闈之際弟

陶文毅公全集

卷四十一

文集

三

前此所以深不放心而欲自往者正以此故今得
廉訪親往同觀察諸公督辦妥協而閣下文武兼
資既能見幾致決於前復能息事安人於後鄙衷
尤深欽佩弟日前曾將穎昌新蔡教匪源流查照
歷辦各案作爲表說交吳牧甸華帶去尊處訊案
時亦可查照以究其根蒂也撫憲擬俟二十七八
日開卷騰完卽赴穎審辦此案既省千餘里押解
之煩且審明後卽在彼處正法使餘黨知所畏懼
於地方大爲有益而所省解費當不下二三千金
亦可謂不費之惠至前次吳牧送去千金卽是兵

役經費非盡爲稿實而設如將來事竣應由該縣籌款萬一所費不貲力不能支尙可稍爲接濟但不能一概委之於公反於彼未便也希諭孫令知之廬州高守未及另擬此信可同觀也

陶文毅公全集

卷四十一

文集

三

與湖廣李制軍書

頃奉

諭旨准戶部議以湖南常平倉穀碾米運京另行買補還倉在司農自爲慎重

天庾起見惟揣度時勢自上年水災之後江浙各處聯船赴楚買米地方積穀已空且本省長岳常澧各屬濱近洞庭亦有水災地方元氣未復現聞米價二兩有餘較下江尙貴兼之近山各州縣水路難通雖有腳價般盤不易即使有穀可運而漕船僅止二三幫難於搭運勢必添雇駁船大爲州縣之

陶文毅公全集

卷四十一

文集

三

累虧空將自此而增民欠亦因之起矣種種難行之處自在高明洞鑒之中而芻蕘所及尤有難焉者查湖南山多田少宜稻之處無幾諺云三山六水一分田其地利已可概見是以通省有漕地方祇三分之一每年正兌漕糧共祇九萬五千有零視江浙大省不及十分之一誠以其地狹而出產無多也今若因碾運而採買還倉是一漕之外又添數倍之漕在有漕州縣勢已難支至若山區僻地本境之糧不敷食用平時尙仰給別處是以

列聖施恩免其漕運二百年來百姓相安無事今若以倉

穀礮運而採買還倉是倉穀化為漕米採買之舉
即爲無漕之區添一漕也無論山區少穀買補無
期萬一將來援以爲例即開永遠之累竊恐

累朝休養生息之民從此困於騷擾矣况常平倉一空地

方緩急失恃其接近田疆之區尤爲可慮近來如

醴陵平江等處多以辦漕滋事幸賴大賢在上民

困獲甦豈可添此累民累官之事且其害終歸於

國家關繫甚重竊以爲此舉不但今年難行即將來

亦不可行伏惟大前輩大人識炳幾先精權事後

湖湘之民望切瞻依查現在直隸豐收無須接濟

陶文毅公全集

卷四十一 文集

三

臺灣運米一事尙爲贅設而本年江浙各省均係

全漕似於

天儲不至有缺日昨江省接到戶部收買行月米一

事經魏漕院據實入

奏卽荷

諭旨停止仰見

聖天子視民如傷必不以戶部奏准在前任滋格礙倘

荷俯察羣情札商運舫中丞早爲覆

奏地方幸甚澍泰鄉人頗悉草野情形素恃虛懷若

谷故敢抒其聞見惟希採照

與湖南嵩撫軍書

頃奉

諭旨准戶部議以湖南常平倉穀礮米運京另行買補

還倉等因在司農自爲鄭重

天庾起見惟是揣度時勢殊有難行者輒卽芻蕘所

見敬爲陳之查會典載湖南各縣額貯常平倉穀

一百四十八萬七千七百一十二石以二穀一米

計之約得米七十餘萬石各州縣多者一二萬石

少亦六七千石卽毫無虧短而確確之費不貲船

隻之雇弗易其無水陸可通者勢必踰山越嶺長

陶文毅公全集

卷四十一 文集

四

途絡繹雖有脚價何能勝用况每年漕船止有三

幫今撥運之米多於漕糧四五倍縱使丁役毫無

刁難亦難盡載必須添雇船隻費從何出勢必大

增州縣之累其難行者一也上年大江南南北猝被

水災競赴楚省採買商船絡繹連檣而下民間積

穀俱已罄盡不得謂之餘米之區况上年南省濱

湖各屬亦有水災民間元氣未復現聞湖南米價

每石約二千二百有零較之江浙時價早已過之

且聞江省現有載運雜糧至楚省羅賣者是穀既

無餘而價又不賤其難行者二也從來吏役害民

其弊不一雖

功令森嚴而假公濟私者無處無之向聞湖南例價每石五錢即使盡行實給民力已屬難支况又未必能然近來醴陵平江等處因漕滋事已非一端幸賴

聖恩高厚民困獲甦而

國家採買之令亦久未施行也今此舉若行則吏雖廉而不能爲無米之炊民雖愿而不能勝打門之擾其接近苗疆之處則穀產已竭何以爲防即稍有贏糧之區倚市價擡高貪何能救而州縣礙兌

陶文毅公全集

卷四十一

文集

五

既多賠墊採辦重須剗削其稍經理不善者勢必補於倉而缺於庫其難行者二也湖南一省除稻穀外如麥黍菽稷皆非所宜而各州縣又非盡種稻之區諺云二山六水一分田其爲地方已可概見是以每年正兌漕糧共祇九萬五千五百五十二石有奇不及江浙大省漕米二十分之一誠以其地狹而出產無多也今若因礙運而加以採買使民間頓增一百餘萬之累是有漕之區不第加數倍之漕也况湖南無漕之區居三分之二從前原因其山多田少不敷民食是以

列聖施恩寬免百姓相安於光天化日之下者已一百九

十餘年矣今一旦改爲碾運是倉穀變爲漕米無漕之區亦變爲有漕之累也此端一開將來卽以爲例小民何由得生此其不可行者四也竊以爲湖南碾米一事不特今歲難行卽將來亦不可行而採買累民碾運累官官民交累其害卒歸於國家是太倉之一粟未必有益而湖南之虧空將自此而起湖南之民久亦自此而起矣以目前尙稱平善之區一日迫之使累豈不可惜伏惟裁酌而節宜之幸甚

陶文毅公全集

卷四十一

文集

五